

كيف يُعظّم طلب القرآن في قلب المسلم عموماً وطالب العلم خصوصاً، حسين عبد الرزاق

حسين عبد الرزاق

الحمد لله رب العالمين وأشهد أن لا إله إلا الله وحده لا شريك له. وأشهد أن محمداً عبده ورسوله صلى الله عليه وسلم وعليه وصاحبه وسلم الله تبارك وتعالى حينما يذكر كتابه - 00:00:00

حينما آآ يكون الحديث في الآية عن القرآن العظيم تجد أن الله تبارك وتعالى يذكر هذا القرآن بحيث يكون في قلب المؤمن بمنزلة عظيمة وربنا تبارك وتعالى أحياناً يذكر آآ صفات لهذا القرآن أنه النور المبين والحق المبين والذكر الحكيم وانه بصائر - 00:00:17 ببيانات وهدى ونور وتبصرة وفرقان واحياناً الله تبارك وتعالى يذكر من أنزله فيقول مثلاً تنزيل من حكيم حميد أو آآ تنزيل من رب العالمين. تنزيلاً من خلق الأرض والسماءات العلي - 00:00:43

واحياناً ربنا تبارك وتعالى يذكر لماذا أنزله فيقول مثلاً كتاب انزلناه إليك مبارك ليديروا أياته وليتذكر أولوا الألباب ويقول أيضاً شهر رمضان الذي انزل فيه القرآن هدى للناس وبيانات من الهدى والفرقان - 00:01:01

لماذا ربنا تبارك وتعالى يذكر القرآن على هذه الوجوه حتى يعظم القرآن في نفس المؤمن وكثير من المسلمين علاقته بكتاب الله تبارك وتعالى هو مجرد ثواب يعني غاية ما يرجوه أن يكون الحرف بعشر حسانات - 00:01:18

هذا هو الذي يربطه بالقرآن وأنا وجدت كثيراً ليس من من المسلمين ولكن من طلبة العلم من ينظرون إلى هذا القرآن العظيم من وجهين فقط؟ ان هو كتاب يعني يقرأ شيئاً منه بالنهار بعد صلاة الفجر - 00:01:38

يأخذ ثواباً أو انه مجموعة أدلة يستدل بها تحت المسائل والابواب وفي الواقع الذي يقرأ كتاب الله تبارك وتعالى ثم ينظر إلى حال هؤلاء يعلم ان هؤلاء حرموا اعظم ما انزل اليه القرآن - 00:01:55

هذا القرآن بكلمة واحدة هو السبب الذي لا يضل به الإنسان ولا يشقى ولا يأتيه الضلال والشقاء إلا بقدر جهله بهذا الكتاب أو بقدر مخالفته لهذا الكتاب وحتى تتصور هذا - 00:02:12

لابد ان تفهم ان ادم عليه السلام في اول وقت لنزوله الى الارض الله تبارك وتعالى اعلم انه سيأتيه هدى من الله بقدر اتباعه لهذا الهدى هو وذريته بقدر ما ينجزون - 00:02:31

من الضلال والشقاء قال اهبطوا منها جمِيعاً بعْضَ عَدُوِّ فَامَا يَأْتِينَكُمْ مِنْ هُدَىٰ فَمَنْ اتَيْعَ هُدَىٰ فَلَا يَضُلُّ وَلَا يَشْقَى وَمَنْ اعْرَضَ عن ذكرىٰ فَانْ لَهُ مَعِيشَةٌ ضَنْكاً وَنَحْشَرُهُ يَوْمَ الْقِيَامَةِ اعْمَىٰ - 00:02:47

الشاهد هنا قال ربِّي لما حشرتني اعمى وقد كنت بصيراً؟ قال كذلك اتكل اياتنا فنسيتها وكذلك اليوم تنسي الانسان يا شباب انما يتمسك بالشيء بقدر ركز في هذا يتمسك بالشيء بقدر علمه بحاجته اليه - 00:03:05

لاحظ هذا ومن يسلم وجهه إلى الله وهو محسن وقد استمسك بالعروة الوثقى. ما معناها؟ تصور ان انساناً في سفينة وهذه السفينة ستغرق فرأى هو حلقة من الحلقات. يعني السفينة تتمايل وهو خايف يسقط من السفينة. فوجد حلقة من الحلقات في السفينة فمسك في السفينة - 00:03:28

كيف يكون تمسكه بهذه الحلقة تمسك من يعلم انه اذا تهاون في هذا التمسك غرق هذا المعنى العظيم هو الذي ينبغي ان يكون في قلبك وانت تفتح كتاب الله. ان تعلم ان هداك في الحياة الدنيا هو - 00:03:51

هو بقدر علمك واتباعك لهذا الكتاب كالاهم العلم والاتباع لما يأتي طالب مثلا يقول لي ان هو يطلب العلم ويصبر كثيرا على علوم الحديث انهي مصطلح وعلم الرجال وعلم اصول الفقه واللغة العربية - 00:04:10

ولا اجد له آآعنة بكتاب الله تلاوة او استماعا او حفظا واتقانا او مراجعة وتتبينا او علما لما لماذا نزل القرآن والعلم بما في السورة من العلم والعمل اعلم يقينا ان هذا الطالب يسير خطأ. ليه - 00:04:32

لان بعض الطلاب بيفكرروا القرآن الكريم مادة من المواد العلمية. لأن انت انت تتعلم كل علم ليحسن فقهك لهذا الكتاب بمعنى ان هذا الكتاب هو القبلة التي ترجوها وهو المركز الذي تدور حوله - 00:04:51

هو الهدف الذي يبدأ معك وتجمع معه غيره هو الامر الذي له اول وليس له نهاية ما هو شعب مرحلة في حياة الانسان بيك لوك انا خلصت القرآن. لا. لأن طلب القرآن هو شعب - 00:05:12

طلب القرآن شعب. بيك الانسان يزداد من علم القرآن الى ان يلقى الله. ولذلك قال الله تبارك وتعالى للنبي صلى الله عليه وسلم وقل رب زدني علما. زدني من علم القرآن - 00:05:27

فعلم القرآن ليس مجرد ان تحسن تلاوته ولا ان تكون متقنا في الوقف والابداء والتلاوة وحسن الصوت. لا هذا شعبه تمام اعظم ما نزل له القرآن امران. ان يتذمر وان يتذكرة. يعني ان تفقهه وتعلم الرسائل المضمنة في هذا - 00:05:44

كتاب وان يظهر اثره عليك. هذا اعظم ما فيه حتى تصل الى هذا ستتخد مجموعة من الاسباب من جملتها انك تتعلم مثلا لسان العرب تتعلم السنة كما تكلمنا بالامس. لكن ما هي المشكلة يا شباب - 00:06:06

ان هذا القرآن عزيز فهذا القرآن لا يعطيك الا بقدر ما تبذل له. وانه لكتاب عزيز. هذه العزة هي من صيانة الله لهذا الكتاب فربنا تبارك وتعالى من تعظيمه لهذا الكتاب - 00:06:23

افك عنه كثيرين من الناس يؤفك عنه من افك يعني ربنا يصرف عنه وهو ايات بينات يصرف عنه اكثرا الناس فمن هدي الى هذا الكتاب لابد ان يقدر تلك النعمة - 00:06:41

انا اريد منك ساعيد لك هذه الفكرة مرة اخرى لفهم ماذا اريده ربنا تبارك وتعالى قال فلا تكن في مരية منه انه الحق من ربك. طب اذا كان هو ليس فيه ادنى شك او ريب او مരية - 00:06:55

طب لماذا اكثرا الناس لم يؤمنوا به؟ فربنا قال هكذا ولا تكفي منه انه الحق من ربك ولكن اكثرا الناس لا يؤمنون فاذا كان الله سبحانه وتعالى صرف اكثرا الناس - 00:07:09

عن علم القرآن والاهتداء بالقرآن بل عن الایمان بالقرآن ثم اختص جماعة من الناس اختارهم لأن يؤمنوا بهذا الكتاب ويهتدون بهذا الكتاب هؤلاء درجات في هذا الكتاب في تقدير هذه النعمة والاخذ. منهم ظالم لنفسه ومنهم مقتضى ومنهم سابق بالخيرات. في واحد والله ماشي - 00:07:22

بالعافية فين وفين ما بيقرأ الورد لو عنده ورد اصلا وممكن يعدي عليه شهر ما يفتح المصحف وحتى لو فتح ومش عارف هو بيقرأ ايه ولا عارف الاية فيمن نزلت ولا فيما نزلت. المفلحين زي المحتدين زي المتقين مش فارق معه. تمام كده؟ بس عنده ايمان - 00:07:46

كان مجمل فسيأخذ من هذا الكتاب العظيم بقدر ذلك. فسألت اودية بقدرها. في وادي قد كده بالضبط يا رب تكون المطرة اللي نزلت دي تكفي العالمين. هو هياخذ من كل المطرة دي بقدر حجمه وبقدر عمقه وبقدر اتساعه. صح ولا لأن؟ هياخذ ازاي - 00:08:04

فهمت المعنى العظيم ده هو الذي يجعلك تتسابق في علم القرآن ولا تستكثر ما وصلت اليه لان بعض الناس بيفكر ان القرآن مرحلة في العمر. بيك لوك انا خلصت. القرآن لا ينتهي. القرآن هو امر يبدأ معك - 00:08:24

وتبقى تزداد كل علم وكلما ازدلت علما ازدلت علما بالقرآن. ازدلت من علم اللغة ظهر لك ازدلت من علم السنة النبوية وهدي النبي

صلى الله عليه وسلم. ازدلت علما لماذا نزلت الاية وفي من نزلت الاية؟ كلما ازدلت شيئا كلما كنت مهيا اكثرا - 00:08:42

ولذلك لما تكلمنا بالامس عن المفاتيح العظيمة التي تهئك لاستخراج ما في هذا القرآن من العلم والعمل. بيك لوك امرا مهما وهو ان

هذا القرآن لا يعلم ما فيه من الهدى الا من انزله - 00:08:59

لكن الله تبارك وتعالى يمن على من يشاء فيعلم منه ما شاء. انت نفسك يمكن ان تقرأ سورة بقى لك عشر سنوات وتجد في لحظة ما انك فهمت من اية منها امرا لم يكن يخطر لك على بال. مش هقول انك انت كنت شاكل لم يخطر لك على بال. ليه - 00:09:17
باذن الله ولا يحيطون بشيء من علمه الا بما شاء. تمام؟ لكن ما هو بقى شباب المحور العظيم في هذا الباب وده محور دقيق هو تقوى الله التقوى يا شباب - 00:09:37

هي مفتاح يفتح لك ما اغلق عليك من علم القرآن. وده امر نادر ما يستدعي في الكلام عن علم القرآن. دائمًا يأتي الكلام عن لسان العرب. يأتي الكلام عن اسباب النزول يأتي الكلام عن كتب التفسير ومناهج المفسرين لأن الله تبارك وتعالى في اية عظيمة بين ان تقوى الله ليست فقط - 00:09:53

قد يجعلك تعلم الحق ولكنك تفرق بين الحق والباطل. وهذا اعلى العلم لأن الله اصلا ما ارسل رسلا الا ليفرقوا بين الحق والباطل.
فربنا قال ان تتقوا الله يجعل لكم فرقانا. شف كلمة يجعل لكم - 00:10:15
فرقانا كلمة كبيرة جدا يعني الله سبحانه وتعالى يهديك لتميز الحق من الباطل. لذلك ابن تيمية يقول ان بيان الحق عند الاشتباه والالتباس خير ما عبد الله به وتلا قوله هو الذي ارسل رسوله بالهدى ودين الحق ليظهره على الدين كله. فيبقى لازم تفهم ان ما فيش حاجة اسمها - 00:10:31

اه مادة القرآن الكريم لا هي قبلتك وهي المركز الذي تدور حوله. ما معنى القبلة؟ يعني انك تطلب كل شيء له طب وما معنى المركز الذي تدور حوله؟ انه الامر الذي يشتراك معك في كل ما تطلبه - 00:10:55

تمام؟ فانت مثلا آآ في المرحلة دي قلت والله انا عايز اشد حيلي في علوم الحديث. جميل جدا. بس معك القرآن هو نفس الشيء.
جميل ده اصل ثابت. ماشي معك. لذلك ربنا قال والذين - 00:11:12
يمسكون بالكتاب ويمسك دي تدل ان هو في كل احواله معه هذا الكتاب يبصره ويهديه فنحن داخلون على شهر رمضان المبارك. شهر رمضان هو شهر القرآن ليس فقط هو الذي انزل فيه القرآن ولكن هو الشهر الذي يحب الله منك ان تكثر من الاستماع الى القرآن ومن تلاوة القرآن. ودائما اريد ان - 00:11:22

تستحضر هذه الاية. ومن الليل فتهجد به. هو ربنا يريده منك ان تقوم بين يديه تقرأ القرآن. هو يحب ذلك. يحب ان يرى نعمة القرآن عليك ببقى احنا لازم نجعل هذا الرمضان باذن الله - 00:11:44

نقطة انطلاق للمسابقة في هذا القرآن العظيم. من كان منكم من الله عليه بالختم يدخل في مرحلة التثبيت والاتقان. ببقى كل السور عنده متساوية. يشوف كده السور اللي هو بيختلف منها بيقلق منها. لان يا شباب خد قاعدة كده - 00:11:59
كل اية تفكر قبل ان تقرأها فانت لم تحفظها. لم تحفظها الحفظ اللي هو ينبغي ان يجري على لسانك. يجري من غير من غير ما تفكر كده تمام؟ فاي سورة لم تصل فيها الى هذا فانت لم تبلغ فيها الحفظ الثابت. انت لما تجي تقرأ سورة الفاتحة عمرك شفت واحد بيراجع - 00:12:15

سورة الفاتحة قبل ما يقرأ لأليه؟ لانه من كثرة ما قرأها صارت تجري على لسانه ببقى الجماعة اللي حافظين نهتم نبدأ بقى نايه نكمل النص. والله الاحكام في بعضكم قراءته جميلة بس فيه شوية اخطاء بسبب ايه؟ انه ما قرأش على حد - 00:12:35
والقرآن ده يا شباب يعني خد بالك انت ممكن تقرأ تحفظ من الشرايط اللي هي بتابع ده اللي هي المواد الصوتية. تمام وممكن بقول الشرايط ده جيل التمانينات ده فاهم؟ آآ فممك انت تحفظ فعلا وتكون قراءتك حلوة بس لا يمكن يكون زي ما تكون عند شيخ بيطخ - 00:12:51

الحروف والوقف والابتداء وهكذا. ببقى نبدأ بقى نكمل النص والله الحفظ نص ونص. نشوف الصور والله سورة ايه والله سورة المائدة دي دايما اخاف منها. سورة آآ طالع لي موضة دلوقتني كل ما اقابل واحد يقول لي سورة النحل دي فاهم؟ موضة بقى لي اسبوعين كل ما اقابل واحد يقول لي يا اخي بس سورة النحل دي كانهم اتواافقوا مع بعض مع ان ده في بلد وده في بلد - 00:13:10

اه ايوة. انا بشوف ان ده مش صح ابدا ابدا فكرة ان في صورة صعبة ليس في كتاب الله سورة صعبة. تمام؟ هي في شيء واحد فقط هو كثرة التلاوة كثرة تلاوة السورة - 00:13:30

يجعلك تقرأها بتلقائية وانا هحكى لكم عن نفسي يعني مسلا في صور والله كانت بالنسبة لي في الحفظ. وده السبب ان انا يعني ما دستش فيها في الحفظ كتير. يعني سمعتها كم مرة وخلاص. مسلا - 00:13:47

سورة الفرقان دي كانت من السور الغريب جدا ان انا لما بيجي الدور عليها مسلا وانا بصلني بالناس بقى قلقان منها. والله العظيم لما شديت حيلى فيها بقت دي الصورة اللي يعني من جملة الصور اللي - 00:14:00

اصلا عمري ما افڪر آآ ارجعها اصلا. ليه؟ لاني آآ قعدت شهر كامل يوميا ما بقرأش غير بها ليه؟ لأن قلت مش هيتفع كده ابقي انا القرآن كله ماشي سالك. واجي بقى في ضيق ليه يعني؟ فاهم؟ فاللي انا عايز اقوله بقى عشان احنا داخلين على رمضان ان شاء الله. فيه ناس منكم ربنا كرمهم بالختم ما شاء الله شباب زي الورد - 00:14:12

وكثير على فكرة مش الشباب اللي انا اخترتهم بس. بس نبدأ بقى نعمل ايه نشوف والله انا عندي مشكلة في الايه؟ في الحفظ. في صورة كذا وسورة كذا لا اثبتها واكثر بها. واحد تاني والله انا ما قرأتش على حد ابدا. شف حد تقرأ عليه يا شباب - 00:14:31 حتى من اخوانك هنا شباب زي الورد ما شاء الله حافظين كوييس جدا. وقراءتهم متقدنة ويصلحوا حلو كمان يعني مسلا شفتهم انا كذا مرة بصلحوا بالشاي اللي بيقرأوا ممتازين جدا. ما شاء الله! فانت استغل وجود اخوانك معك. تمام؟ آآ طيب فيه بقى مرحلة بعد كده مرحلة - 00:14:44

صلة بالسورة الحفظ شيء والصلة بالسورة شيء والصلة بالناس جماعة شيء اللي ب يصلني بالناس بقى بالصور فيه بقى حاجتين يركز فيهم دي خدتها نصيحة من أخيه. اول شيء في واحد ممكن يقرأ السورة كاملة ما يغلطش فيها. بس لو قطعها بيفلط والعكس في واحد يعرف يقرأ ربع بس ما يعرفش يجيب الصورة على بعضها. انت بقى لازم تدرب نفسك على الاثنين - 00:15:00 النوافل تجيب مسلا صورة زي سورة طه دي تقسمها على نوافل اليوم. وتعود نفسك من اي موضع بتقرأ الله اكبر تجيب دي تجيب دي. تمام كده؟ كل ده بيخليك بيعودك على انك انت ما تكونش تقول لا والله اصل انا لو عملت كده باغلط اصل لو قرأت سورة البقرة آآ سورة الاعراف بعد سورة البقرة لازم اغلط - 00:15:21

هو ده اللي انا بقول لك عليه انك انت تقعد تسد النقص ده. تمام كده؟ طيب. اللي منكم بقى لسه ما ختمش القرآن اعمل ايه في رمضان؟ ده سؤال مهم يا شباب. انا عن نفسي عمري ما فكرت في رمضان ده في عدد الختمات من اول ما بدأت اصلي الى يومنا هذا - 00:15:41

انا بفكري في شيء واحد ركز واحفظ ده. الزمن الذي اقضيه مع المصحف. الزمن. الزمن ده بقى بالليل بالنهار. ايه المدة اللي انا قاعد فيها مع المصحف فممكن في رمضان من رمضانات والله حاسس ان انا سورة النساء فعلا سورة صعبة علي - 00:15:55 فاخلي كل يوم مع الورد بتاعي سورة النساء عادي انا مش في دماغي انا مش فارق ما فيش ولا حديث في تاريخ الاسلام في عدد الختمات ريح دماغك نهائيا ما فيش في تاريخ يعني ما فيش حاجة اسمها عدد الختمات. تمام كده؟ فيه حاجة اسمها القدر الذي اقضيه مع هذا الكتاب. قم الليل الا - 00:16:14

نصفه او انقص منه قليلا او زد عليه ورتل القرآن ترتيلها. فاللي انا عايزك تفهمه بقى ان مقياسك ما تجييش تقول لي انا قرأت تلات اجزاء لأ ما هو الوقت الذي اعطيته للقرآن انت ممكن تقرأ تلات اجزاء في ساعة في ناس بيتقرأ صاروخ خلاص كده؟ يعني في كنا بنصلني انا وواحد والامام كان سريع قلت له الامام ده - 00:16:38

من سرعته هو نفسه فاتته ركعة. عمرك شفت امام قايم يقضي ركعة؟ فاهم كده اهل السرعة والجماعة في واحد كده ما تفهمش منه اي حاجة. لأ يا شباب الاعتبار في قيام الليل او في تلاوة القرآن هو القدر الذي تقديم هذا الكتاب - 00:16:58

تعرف ده اثره ايه؟ انت ممكن ربنا يفتح عليك في اية تبقى ترتلها عشر مرات عشرين مرة ومش عايز تخرج منها. طب ما تقف معها ما تقف هو انت ايه اللي شاغلك انك انت النهاردة ما قرأتش غير جزئين او ثلاثة؟ ده الحاجة اللي لازم تتطور فيك. فاهم؟ نعم الانسان

ممکن وقت يقول والله انا عايز اشد حيلي النهاردة - 00:17:18

وراجع كذا اه ماشي. لكن اذا فتح الله عليك في سورة وحبيت تكررها ما تكررها. انت مش عارف الحديث اللي في البخاري رجل اللي
اللي صلي بهم طول الصلاة بقل هو الله احد ويكررها ويريحها - 00:17:37

او يرجعها وقررها هو ده ما كنمش حافظ ده من اهل القرآن اومال هو خليه امام ليه بس هو بيحبها فمش قادر يخرج منها بيقى انت
بفى لازم في رمضان خليلك ذكي - 00:17:47

اول شيء ما هو القدر الذي تعطيه لكتاب الله؟ ممکن والله تكون في اية وانت بتقرأها تقول الله! سبحان الله! ايه الاية دي معناها ايه؟
مش عارفه. ارجع للتفسير ما تجيشه تقول لا اصل ده هيضيع لي ربع - 00:17:59

ساعة ضيع لك ايه يا ابني؟ هو انت قمت شربت سيجارة مسلا؟ ده انت بتقرأ في انت بتتعلم. زي واحد من الشباب بيقرأ آلا يحب
الله الجار بالسوء من القول الا من ظلم. قلت له يا عم ايه الا - 00:18:09

قال لي يا عم اقرأ. هو احنا غلطنا في البخاري! فاهم؟ اقرأ ايه يا ابني! انت بتقرأ غلطنا! انا مش بقول لك مسلا الا لأ ده
انت قلت زلم يعني انت خربت الدنيا خالص. فالشاهد في في واحد تاني من الشباب عمرى ما هنسا. كان بمتقن للقرآن وصوته جميل.
جيست في مرة - 00:18:22

بكلمه عايز اكلمه عن القرآن وعلم القرآن. قال لي يا شيخ انا مش هضيع وقتني غير في في قراءة القرآن. قلت له هو انا باكلمك عن
التوراة والانجيل يا ابني - 00:18:42

فعلا في انا بقى عايزين نصحن التعامل ده يا شباب. لازم تفهم ان هذا الكتاب اعظم بكثير من ان هو واحد يقول لك انا بقرأ مش
عارف سورة الفاتحة في نفسه واحد - 00:18:50

والثاني يقعد ينغم لأ ده دي يعني اشياء يعني مش عارف اقول لك ايه دي اشياء تكميلية هذا الكتاب كتاب عظيم. طبعا التلاوة
يعني الحمد لله يعني دي من اكتر الاشياء اللي بنهم بها حسن التلاوة والوقف والابداء والاحكام. لكن لا علم القرآن - 00:19:00
انتم ازاي انت بتفرحوا ازاي لما تيجي اية معينة نستخرج منها معنى تقول يا سبحان الله! المعنى ده كان فيها ما كنتش ابصره. ايوة
ما انت مش تبصره لانك لم تطلبه - 00:19:18

انت لم تطلبه انما لو طلبته ستجده وستجد اكتر منه. ليه؟ لان يا شباب وانت بتاخذ من القرآن بقدر ما تطلب وليس بقدر ما فيه هو
ما فيه لا يحيط به الا من انزله. بس ربنا بيمن علينا كده كل مدة - 00:19:26

ويفتح لنا باب من من بابه ازا كنت انت بتفرح انا يعني احنا يا شباب لما انت مسلا سورة الاسراء لما خدناها وبعدين انت جيست تقرأها
شفت قلت ايه ده! يعني كل ده كان فيها. انا عايزك تتخيل بقى النبي عليه الصلاة والسلام والصحابة اللي هم يعني انزل عليهم هذا
الكتاب كيف كانوا يقرأونه - 00:19:41

ما هو ده السؤال اللي احنا جاوبنا عليه اللي ما كناش عارفين نجاوب عليه امبراح ليه الاية الواحدة كانت بتتخليه يغير حياته مش
محاج الف دليل يقول لك وفي المسألة مائة دليل لا مش محاج هو ده هو محاج يسمع - 00:19:59

اية واحدة وممکن ما يكونش حافرها. هو خالد ابن الوليد. خالد ابن الوليد ما هو جاب سالم مولى ابي حذيفة وقال له ممکن تقرأ علي
كده سورة المدثر اللي هي نزلت في ابوه - 00:20:09

مش عارفها قال له تعالى اقرأ عشان سالم مولى ابي حذيفة هو كان من من اهل القرآن فاعذرني ومن خلقت وحيدا وجعلت مش
عارف هو ما يعرفش فاهم؟ انما هيسمع الاية خلاص. الاية عنده سلطان. يعني بتنزل عليه كده سلطان تحركه. بيتحرك بها. فيبقى احنا
رمضان انا بشوف ان رمضان - 00:20:18

في ميزة كبيرة جدا هو نقطة انطلاق لتكشف قدراتك ولتفتح صفحة جديدة. كثير منكم اعتكف معى السنة اللي فاتت صباح اعتكف
وفارس وغيره من الشباب وعبدالرحمن وغيره. فعلا انا واجد فرق فيهم السنة دي - 00:20:37

حسبيت ان هو مش الفرق اللي انا مش الفرق الكبير اللي ظاهر. لكن لأ بابين. بابين ان فعلا فيه قدر كبير من تمام قد يكون اهتم بالقراءة

بالحفظ بتفسير القرآن هي دي النقلات اللي احنا بنطلبها يا شباب. لكن انا بجد يعني اعيذك ان يضيع - 00:20:53

شبابك من ضاع شبابه شبابه ضاع عمره وخير ما تستثمر فيه هذا الشباب والقوة هو اتقان كتاب الله وهو ده الامر اللي باذن الله ستجد بركته في كل تفاصيل حياتك. مش هقول بس ستجد بركته في في الايمان لا والله. في كل تفاصيل - 00:21:13

ويكفي ويكتفي ان الله اختارك من جملة من يختارهم للاشتغال بهذا الكتاب. والله العظيم دي لوحدها انا دائمًا كل ما افتح المصحف اقول يا رب لك الحمد والله مع اني واحد ممكن ما يخطرش بياله يقول لي اه اقول يا رب لك انت جعلتني انا بافتح هذا الكتاب و مليارات الناس اصلا ما يسمعواش به ولا يعرفوا عنه ده فضل كبير - 00:21:32

فضل كبير فده بقى اللي بيخليني افضل اتعب فيه واراجع واحفظ واصلي به. فاهم؟ فانا مش عايزك تستكتثر ابدا ما تبذل له هذا الكتاب ومش عايزك ابدا ابدا يصرفك عنه صارف. ومش عايزك تتعامل معه انه مجرد ورد بتاخذ ثواب. وزي ما قلت لك بقدر ما تعطي هذا الكتاب من البذل بقدر - 00:21:55

بقدر ما يفتح الله لك فيه. واي واحد منكم يا شباب لم يقرأ هذا الكتاب على شيخ او على احد متقن. نصيحة اخيك نصيحة اخيك والله لو هيأخذ منك فلوس كتير يعني اعتبارك انت موجات ما وجدتني حد من اخوانك. تمام كده؟ ما وجدتني يعني مش فاضيين مثلا ول يكن. تمام - 00:22:16

وان كنت انا عن نفسي يعني والله ما كنت اترك واحد يربد ان يقرأ الا و كنت انا اللي اقول له اقرأ. لأن دي فرصة لي خيركم من تعلم القرآن وعلمه - 00:22:35

انتم عارفين ابو عبدالرحمن السلمي فضل له كده عمود في المسجد اربعين سنة يجلس من الفجر الى المغرب يقرأ الناس القرآن. ابو عبدالرحمن السولوي من كبار ائمة الحديث قرآن تمام كده؟ وهو ده اللي قال حدثنا من كان يقرؤنا القرآن يعني امام - 00:22:44

اربعين سنة من الفجر للمغرب. انا انا عايزك تتصورها بس اربعين سنة فقالوا له انت ازاي قعدت كده؟ قال لهم وروى حديث عن عثمان بن عفان ان النبي صلى الله عليه وسلم قال خيركم من تعلم القرآن وعلمه. ده حديث في البخاري - 00:23:00

قال فذلك الذي اقعدني مقعده هذا شوف حديث واحد غير حياته ازاي حديث واحد خلاه حياته كلها قاعد في المسجد. الكرة الارضية عايزه تيجي تقرأ عليه قرآن انا جاهز يا حبيبي اقعد. انا قاعد اهو - 00:23:14

يقرأ ويمشي وده يقرأ وده يمشي وده قاعد يعلم الناس القرآن ونصيحتي لك اهتم بان تتلو هذا الكتاب على احد. وان تتقن حفظ القرآن وما فيش حاجة اسمها صورة صعبة - 00:23:28

انسى الفكرة دي. ما فيش حاجة. هو القرآن ميسر. ولكن الله سبحانه وتعالى من رحمته يجعل الانسان ينسى له عشان يبقى مرتبطا بهذا الكتاب ويتواضع عشان ما يعيش في الوهم. مش حكت لكم قصة صاحبي ده طالب كان معنـيـ. والله العظيم يقرأ القرآن كله زي ما انت بتقرأ الفاتحة. حقـاـ. وده كان دايـماـ - 00:23:42

جيـبـوـ اـناـ اـعـيـدـهـ كـدـهـ خـلـيـهـ يـقـرـأـ عـشـانـ يـعـنـيـ بـتـمـزـجـ مـنـ قـرـاءـتـهـ حـاجـةـ يـعـنـيـ لـكـ مـاـ كـانـشـ بـيـصـلـيـ بـيـنـ النـاسـ. اـخـشـ اـنـ اـصـلـيـ اـقـولـ لـهـ

ادخل صلي صلي معنا في التهجد يعني؟ ابدا - 00:24:02

ما يصليش لما فرضت عليه انه يدخل تقول لأ هتدخل يعني تدخل المرة دي بقى عايز اجرأه انه يدخل دخل صلى بسورة المائدة مع يمكن غلط تلاتين غلطة وانا كنت فرحان انه بيغلط بصرامة. لاني بفرح من تهذيب الله لنا. لأن الله يهذبنا. الله سبحانه وتعالى كريم ورحيم. فمن رحمته بنا يهذبنا. يخلـيـ الانـسانـ يـقـعـ فـيـ 00:24:14

عمره ما كان يخطر بياله عشان يتواضع ويحس بالناس اللي بتقع في ذنب. يخلـيـهـ يـغـلـطـ فـيـ صـورـةـ عمرـهـ ماـ كـانـ بـيـغـلـطـ فـيـهاـ. وـيـرـدـ

واحد من اللي مش حافظين. عشان يهذبه وينقيه ويعلم ان - 00:24:34

القرآن اللي بيجرـيـ علىـ لـسانـهـ منـ اللهـ دـخـلـ واللهـ العـظـيمـ اـنـ كـتـ حـاسـسـ بـهـ هوـ طـبـعـاـ عـارـفـ انهـ ماـ يـقـدرـشـ يـطـلـعـ منـ الصـورـةـ منـ غـيرـ ماـ يـكـمـلـهاـ. ماـ فيـشـ حاجةـ اسمـهاـ اـنـ تـقـولـ بـسـ اللهـ وـتـطـلـعـ منـ الصـورـةـ منـ غـيرـ مـكـملـةـ ديـ معـيـ. لـانـ هـيـلـاـقـيـ القـفـاـ عـلـىـ نـافـوـخـهـ عـلـىـ طـوـلـ 00:24:44

فاهم فطلع من الصورة انا حكيتها لكم قبل كده. بس دي مهمة دلوقتي بقى عشان هي كانت في شهر رمضان. طلع من القراءة
الركعتين راح عند دورة المياه بيفسل وشه. طبعا هو كان ابيض وعسل كده - 00:24:57

شبه الواد مهند ما شفتش مهند في حياتي الا لما افتكرته. تمام؟ ابيضان وسكرة كده فرحت طبعا وشه احمر فقلت له طبعا انت
دلوقتي الشيطان بييسموس لك بيقول لك مش هتدخل تاني قال لي اه قلت له هتدخل. مش بمزاجك. قال لي والله - 00:25:08
والله ما ادخل. قلت له والله لتدخل. قال لي لا مستحيل. قلت له هتدخل؟ فبدأت بقى ايه جانب الترغيب والترهيب. هتدخل يعني
هتدخل هتدفع يعني هتدفع. تمام كده؟ الثانية بدأت بقى ابين له حكمة الله في انت غلطت ليه - 00:25:23

قلت له يا ابني ربنا سبحانه وتعالى رحيم بنا عالم بنا قلت له انت ممكن تكون عايش في الوهم عشان تحافظ القرآن. تمام كده؟ ممكن
 تكون لما حد بيغلط في التلاوة تقول ايه ده بيغلط ازاي ده؟ تمام؟ وبالفعل كان فيه موقف حصل زي كده والله - 00:25:41
بعد كده قلت له آآلو انت ما دختش المرة دي مش هتدخل تاني المهم فضلت اتكلم فيه قلت له اتوا واسمعن بالله وقل الله اكبر
وايه لو غلطت؟ قلت له ايه اللي يحصل؟ طب ما تغلط ايه اللي يجري - 00:25:54

قلت له هي اسوأ شيء؟ انك تغلط طب ما تغلط يعني اول رمضان صليت به الناس كان اول ما اجي اقول الله اكبر وانا يعني
الحمد لله ممكن كنت بقى طول النهارده راجع. تمام؟ بس الشيطان يقول لي انت هتنسى كل حاجة قلت له انا كنت بقول ايه -
00:26:06

وكذا مرة يعني ممكن اغلط عشر اخطاء في الجزء. عادي جدا غلطني مش مش تقصير مني. غلطني لأن القرآن ده شباب عشرة عمر.
انت ما تفكري ان حفتك ده هي خليك تقرأ بطلاقه. فيه حاجة اسمها الزمن الذي قضيته مع - 00:26:19
كتاب الله. انت بقى لك قد ايه بتقرأ فاهم؟ فما هياش حرفة ما تفكري ان هي مسلا ان واحد اوه ده مبهر جدا لانه لا هو قدر
الزمن اللي انت عشتة معه. فهو دخل والله العظيم من يومها الى الان هو امام في التهجد بيقرأ بالعشر - 00:26:34
اجزاء يوميا عادي جدا عشر اجزاء ده عادي جدا عنده. ده طبيعي يعني بيقرأ عشر اجزاء ده عادي جدا. خلاص. فيبقى انت لازم
تفهم ان انت تفتح هذه العقبات باذن الله. ودائما تفكري ايه هو اسوأ شيء. ان انا غلطت طب ما اغلط. ما يحصلش اي شيء. وكل من
يخشى الخطأ لن يدرك الصواب - 00:26:48

شبابك شبابك مع كتاب الله مع الاستقامة مع الهدى مع صحبة الخير مع طلب العلم. اقسم بالله هو ده الوقاية لك في هذا الزمن
الصعب هذا الزمن زمن مليء بالفتن التي هي قريبة من كل انسان وفي متناول كل انسان. وخد بالك ما حدش هييهمك بك. يعني -
00:27:08

ما تفكري ان ممكن اليوم اليomin دول انا فايق لك وفاكر فاكر يوسف وفاكر عصفور وفاكر علي وفاكر قوكل وفاكر فلان وفاكر
فلان اه بس بعد كده ممكن انساك ممكن آآ صحابك ينسوك ما ياخدوش بالهم منك عادي بيتكلموا معنا ناس كل مرة بيجوا وبننسى
نبعت لهم رسائل ونسائل عنهم. تمام؟ مش معنى كده ان انا بقول لك - 00:27:28
ان انت ما تهتمش باخليك لأنك مع نفسك المتعطضي بالناس عريان. يعني لو انت ربطت استقامتك بشيخ او بصحبة يبقى انت غلطان
لأنك طريرك انت طريرك تمام؟ وانت ابظر بنفسك. ما انت ممكن تقول لي آآ معلش يا شيخ انا والله عندي ظروف المرة دي. بقول لك
خلاص وانا اقول لك حاجة. هو انت لما تيجي تقول لي تعذر لي على المخيم وتقول لي انا مش جاي. هاقول لك ايه؟ هاروح امسك
واجييك - 00:27:48

انا عملت لك الصعب ايه هو؟ ان انا جيت لك بنفسي اعيد لك اربعة وعشرين ساعة معك. اعمل لك ايه تاني؟ ما فيش حل تاني غير ان
انا اذا اذكر مكانك - 00:28:12

ما فيش حل تاني بجد يعني اللي انا كل اللي اقدر اعمله لك النصائح والتشجيع والتثبيت والدحك والهزار والكلام ده معك لدرجة ان
امبارح الواد اسمه ايه ده؟ فين الواد اسمه ايه ده؟ وربنا نور. قاعد بيكلم يا علي. نزل لي آآ نزل لي ربع جنيه عشان احاسن التاكسي
يا عم - 00:28:20

محمد السيد يا عبدالسميع فاهم؟ فالدنيا طراوة معك. لما انت بقى تعذر لي انا هاقول لك ايه. مش هاقدر اقول لك حاجة. خلاص. لأن انا بصراحة يا جماعة بدبي الانسان اوبي بس لا اسعى على احد - [00:28:39](#)

خلاص اللي بعد ما مش شرط انك معندي بشكل عام لما بشوف شاب فتحت له ابواب الخير ويسير فيها ببطء والله العظيم اقسم بالله باتحسر عليه. انت ممكن تلاقيني بدهك كتير في الدرس - [00:28:52](#)

وده باین بس اللي جوايا ربنا وحده اعلم به. انا اكتر شيء بيفرحنني في الدنيا اني الاقي شاب يبصر طريقه ويمضي فيه بقوه. ومع ذلك يرحمك الله ومع ذلك يكون انسان متواضع ومحترم يحب الخير لاخوانه ما عندوش لؤم وخبث. اووعي تفكير ان التمييز ده اهم شيء لأن. هو كده فيه باكيدج كده. انسان يعرف طريقه - [00:29:07](#)

تكلم كثيرا يفعل اكتر ما يتكلم. آآ اخلاقه حسنة يتواضع لله. يسابق في الخيرات. ليس هناك شيء يسعدني الا لما اشوف الشخص ده. في المقابل لما اشوف انسان بيماطل متعدد - [00:29:27](#)

نكسل يختلق الاعذار ده شيء بقى غير بقى اللي بيحسد ده ما لناش دعوة بيحسد او نفسيته وحشة ده ما ليش دعوة لأن. انسان نقي طيب لكنه كسلان بينام بيهمتش بنفسه - [00:29:41](#)

وما بيهمتش بالقرآن تقابله السنة دي والسنة اللي بعدها زي ما هو ما اتغيرش فيه. قسما بالله وربنا سيعالجني على هذا ان هذا اكتر ما يؤذيني في الحياة الدنيا ان انا اشوف شاب - [00:29:53](#)

شاب طيب وكويس لكنه ماشي في الدين بالعافية. بالعافية تقدر تشجعه عشر ساعات عشان يتحرك سانية واحد تاني مجرد ما توجهه كلمة بتقولها له. كلمة والله ما بيخليك تعيدها له ابدا - [00:30:05](#)

مجرد انك تشير له انتهت كذا عدد من الشباب كان يقول لي مسلا يا شيخ مسلا في الباب الفلاني اقرأ ايه اقول له كذا وكذا. والله ما يقابلني بعدها الا وقد اتقن كذا وكذا اللي انا قلتها له دي. ولا اعيدها معه ابدا - [00:30:22](#)

خلاص انما في واحد تقدر مدة كبيرة جدا عشان تخرج منه بطاقة بسيطة بتقدر معه يومين او ثلاثة وبعد كده تنطفئ ازاي؟ ازاي؟ ازاي؟ انا استغرب اما واحد فعلا مش حاسس بالشباب اللي فيه انت تقدر تعمل حاجات كتير. ما عندكش غير عمر واحد. فماشي

- [00:30:37](#)

عمال بالزق السنة كلها تيجي لي حافز فيها جزء ايه ده ازاي السنة كلها حافز فيها جزء؟ ازاي يعني؟ ازاي اقابلك رمضان ده وانت حافز جزء مسلا تبارك؟ والسنة اللي بعدها تقول لي يا دوبك ده انا حفظت جزء قد سمع. ازاي اعمل - [00:30:58](#)

انتاشر شهر ده انت كنت عملت فيهم كل حاجة امال الكتب دي كلها هتعملها امتنى؟ والعلم ده كله هتعمله امتنى؟ فاللي انا عايز اقوله لك انت ما حدش هيحمل همك - [00:31:15](#)

ممك تجد ناصحا ممكن تجد صحبة خير. بس والله اعني على نفسك. كلمة عظيمة. اعني على نفسك ليه؟ لأن هوى النفس. يقول لك نام يا عم الحاج نام ريح دماغك. فاهم؟ طب المخيم يا عمي؟ طب طب احنا مجتمعين عشان نزاك؟ مش مشكلة هتتعوض. طب الكتاب ده انا انا عندي كذا واحد من الشباب عنده مكتبة كبيرة - [00:31:26](#)

كتيرة سأله سؤال واحد قلت له بالله عليك ببني وبينك يعني مش هقول لحد يعني انت في واحد لا ما انا ما قلتكم على اسمه. ما قلتكم على اسمه. فاهم؟ باقول له سرك في ميكروفون. يعني الكرة الارضية هتعرفه. بالله عليك - [00:31:46](#)

كتاب من المكتبة دي ولا كتاب اهم حاجة بس يسألك عن النسخ. يقول لك ايه افضل نسخة لتحقيق الطبرى؟ لتفسير الطبرى. افضل نسخة من مجموع الفتاوى. طب مش عارف ايه؟ ويجيب النسخة اللي ورائها اصفر عشان ايه - [00:32:01](#)

ما بيقرأش ما بيقرأش والله ما فيش يعني يا شباب شوفوا قدر اسأل كذا واحد قل له انت خلصت كم كتاب من الجلدة للجلدة من اوله لآخره والله العظيم اكتر الشباب اللي هو المفروض بيطلب علم والله ما عملها - [00:32:15](#)

طب ليه ليه؟ لأن العمر ضايع بأخبار تافهة؟ العمر ضايع باشياء بجلسات ما لهاش لازمة. فاهم؟ يسهر مع بعض يحكي. بتحكي معه في ايه ما انت عشان فاضي. والله لو كان عندك مشروع ما تفرغت ابدا. انت راكب قطار هتلaci نفسك فاتح المصحف. بتسمع درس -

فاهم؟ هتلاقي يا شباب الانسان لما يدخل في المسابقة في الخيرات اقسم بالله حياته كلها بتتغير. الدقيقة بيكون لها وزن عنده فاهم هتلاقيه كل حاجة هتلاقيه بيلعب رياضة عشان العلم - 00:32:46

عشان ينشط نفسه. هتلاقيه بيغير عادات كتيرة فيه بيقول اصل انا متعود انام عشر ساعات. هيقلل نومه هيبيقى ست ساعات. وربنا هيبارك له فيه. اللي هي الاعتبار بانك انت تنايم عدد كتير ما ممكن تقدر على السرير تتقلب وتتعب ما تعرفش تنايم. ممكن تنايم - 00:33:00

الساعة واحدة ربنا بيبارك لك فيها. يا جماعة التعامل مع ربنا مش بقوانيتنا احنا انت واحد يقول لي انا شغال عشر ساعات في اليوم وايه يعني؟ لو جلست ساعة بصدق مش حكيت لكم على الرجال اللي هو بنى ده والله ما هنسى الرجال ده ابدا كل ما اجي ادي درس او اقرأ قرآن افتقرك الرجال اللي بنى - 00:33:16

المخيم الوقف اللي احنا فيه ده ابني بيحكى بيقول ابويانا لما عمل ده الناس قالوا له انت هتبني ازاي الوقف ده في الصحراء دي؟ مين اللي هيجيده؟ قال لهم ربنا هيبعدتهم - 00:33:31

انا انا كل ما اشوف واحد يعني انا جيت منين وده جه منين واحمد جاي من بريطانيا وده جاي من المانيا وده جاي من اسبانيا وده جاي من اليمن وده جاي من كذا ما هو ده هو ربنا جمعنا - 00:33:42

فيه هو هو دي مش اية؟ هو دي مش اية لك؟ انا بالنسبة لي دي اية اه والله راجل ولا يعرف يعني على قد حاله. بنى مكانه ونحسبه من الصادقين. ربنا جاب الناس هنا. يتعلموا علم ويدرّأوا قرآن - 00:33:52

ويصلوا وهو لازم تفهم ده. انت في تعاملك مع ربنا ما تجييش تقول اصل انا ما بعرفش احفز. ما فيش حاجة اسمها اصل انا بنام كتير. اصل انا عندي شهوة - 00:34:08

مع ربنا ما فيش الكلام ده. ربنا على كل شيء قادر قادر ان هو يذهب من قلبك نار الشهوة و يجعلها طمأنينة. قادر ان هو يخليلك انت الكسان يخليلك في قمة النشاط اللي بتتبئه في الناس. مش كان في بعض طلاب العلم كان فاهمه على قده. فالشيخ بتاعه قال له كنت بليدا فاخرجتك المواظبة. قال له - 00:34:18

وانت بليد اصلا ما بتفهمش. بس من كثرة التعب بقى نبعة ايوة. ما انت لازم تفهم انت بتتعامل مع ربنا. يعني انت انا عايز اقول لك على حاجة. هو دلوقتي - 00:34:40

لما هم بربوا لجالوت وجندوه بالمقاييس العادلة دول يقدروا كلهم يعملوا حاجة مع جالوت؟ ما يقدروش جالوت لوحده؟ ده انت انا عايزك تقرأ في قصصبني اسرائيل حنجلود ده كان ايه؟ مجرد رؤيته تخليك تموت. انت تموت كده. قلبك يدخل يموت - 00:34:52

طب دول قدرروا عليهم ازاي بالله لذلك في اللحظة اللي الصحابة بعض الصحابة اعجبتهم كترتهم اه لأن بقى انت كده اعجبكم طب يلا بقى ايه اللي حصل؟ خلاص ضاقت عليكم الارض بما رحبت ثم وليت مدربين - 00:35:08

اربوا وهم يعني حوالي اتناسير الف ولا حاجة خافوا لان هو ربنا فانا ليه بقول لك الكلام ده؟ عشان ما تجييش تقول ايه؟ اصل انا اصلا اصل انا عندي مشهورة جدا - 00:35:24

اصل انا اصلا كسان. اصل انا اصل فلان استثنائي. لا لا اصل انا مش زي فلان. اصل فلان ده ما فيش الكلام ده والله لو رأى الله فيك صدق وبذلا لترى من الله قدرات هتقول يا رب عارف ساعتها هيجي لك ايه؟ هيجي لك حسرة على الزمن - 00:35:35

اللي فات انا اكتر حاجة بتتعبني في الحياة دي. ان لما يفتح باب من الخير افتقرك السنوات اللي فاتت. فتتحسر قلبك فهمت؟ فيبيقى انت انت تدعوا ربنا على كل شيء قادر لا يعجزه شيء. تمام؟ وانت فقير اليه. فما تجييش ابدا تقول اي - 00:35:54

عذر اصل انا ظروفي تعبانة المادية. اصل انا عندي شهوة غلابي. اصل انا اصلا ما بعرفش احفز. اصل انا كسان. اصل انا مش زي فلان اللي هو غني فيبيقدر يجيبي كتب - 00:36:13

اصل انا مش ساكن جنب فلان وفلان اللي بيشعجوني. اصل ما فيش اصل ما فيش مش ممكن ابدا يكون خلق الله انسانا ولم يجعل له

ادوات تهديه. مش ممکن! مش ممکن - 00:36:24

هو ربنا سبحانه وتعالى خلق آآ يعني يعني وهدى. فيبقى انت طريقك بقى. خد طريقك ده بقوة. امض فيه بقوة. بس ما تتكلمش كتير ما تتكلمش كتير. يعني لا تحدث الناس عن مطالبك او اهدافك - 00:36:39

ولو انت عايز من باب الاقتداء حدث الناس بعد ما يتم الامر من باب والله ده انا سبحانه الله تعبت في كذا وربنا فتح علي. لكن لا تتعود ان تشبع رغبات - 00:36:54

نفسك بالتحديث عما تنوی ان تفعل لان النفس بتاخد بتاخد ده وقلت لكم يا شيماء والنصيحة مني يعني. وسائل التواصل حول النجاح الى شهرة فقط يعني ممکن واحد يكون في قمة النجاح بس مش مشهور فيقول لك انا مش ناجح. فاهم؟ وواحد ما يسواش بربع جنيه - 00:37:04

تمام؟ تمام. وعشان من الناس بتعملوا لايكات وبيعملوا اعجابات فصدق ان هو ناجح. وهو ما يسواش اي ربع جنيه حتى. فاهم النجاح هو ان تكون عند الله فالحالا. هو ده النجاح عند الله بس. لان هو ده اللي هيتفعل. الباقي مش هيتفعل. فانت بقى شق طريقك وشهر رمضان - 00:37:24

مبارك ابدأ فيه بقوة حافظ على وقتك عندك حاجتين. سد الاشياء اللي بتضيع وقتك وسائل التواصل. الفيسبوك ما لوش لازمة. ما تلغى امه. انت هتعمل به ايه؟ ما تلغيه دلوقتي كل ما اقابل واحد الاقيه عامل عشر تطبيقات التيك توك ومش عارف وفيسبوك حلوة تيك توك وفيسبوك. تصدق علي؟ - 00:37:42

واوتيل جرام ومش عارف ومشترك مع الكرة الارضية. واحد منهم اه بيكلمه فطر ايه النهاردة؟ والثاني يقول له خرجت انا ومراتي وقعدنا في قعدة حته. طب ما تخرج ان شاء الله عنك ما خرجت يا اخي انا ما لي انا! وتلاقيه مهمتهم بتفاصيل كل الناس الا نفسه هو - 00:38:03

نفسه في غربة تلاقيه اهتم بخناقة فلان وفلان النشطاء وبعدين اتصالحوا على بعض واهتم بان فلان النهاردة سافر كذا وقضى اجازته في مالديف. ايه ده واتغدينا النهاردة وانا طبخت النهاردة مسقعة باللحمة المفرومة وطلعت حلوة. اصل انا مراتي بقى لها اسبوع عند امها. انا ما لي يا عم! انا ما لي بجد! بجد والله! ولا انا ولا - 00:38:19

امر غريب انتم مستغربينه ولا انا اللي يستغربه بس؟ ايه العيب ده! فاهم؟ ما تقفل كل ده يا عم وتخليك انا اللي انا اعرفه اللي انا اعرفه ان انت مسلا شفت فلان حسيت ان الانسان ده فعلا تنتفع منه خلقا لغة دينا موعظة خلاص - 00:38:42

انا لو في انسان يعني مسلا انا لما سمعت دروس الدكتور مساعد الطيار مثلا من زمان الكلام ده لما واحد دلني على اقسم بالله من يومها يعني مش عايز اقول لك كنت مش ممکن اسافر خلصت كل دروسه خلصت لغاية كل شوية عمال اقول له نزل نزل عشان خلاص كل حاجة خلصت. نفس الشيء خلص في الغفيص نفس الشيء. فهمت كده؟ الشیخ طارق عوض الله في - 00:39:01

في علوم الحديث. اول ما اعرف واحد خلص يعني خلاص كل حاجة. مسلا الدكتور سامي عميري في من من قبل ست سنوات سمعت له نقد كده للفيلم اللي هو اسمه سبع سنين اللي هو بتاع الملحدين كده فيلم عملته قناة الجزيرة فيلم هابط وفيلم في قمة السوء - 00:39:20

واثاره في قمة السوء. فيلم يعني بيحكي عن الفترة بعد الثورة ان في ناس تحولوا للحاد وناس تحولوا لليه؟ لتكفير الناس والجهاد والكلام ده كله. المهم انا لما والله العظيم لقيت تعليق جميل - 00:39:36

بدأت ادخل على الاشرطة خلصتها كلها. لزلك بعد كده هو قابلي. هو استغرب ان انا بناقشه في كل دقائق وهو بيقول لي انا اصلا نسيت ان انا قلت كده اللي انا عايز اقول لك ان في حاجتين وجدت انسان بيتتفع منه ما هترکوش - 00:39:50

فهمت؟ ان شاء الله يكون اصغر مني فاهم؟ او قربني وجدت انسان تافه ازاي ازاي تقبل تقبل انك تكون بتاع انسان تافه تعرف سيدنا ابراهيم هم قالوا قالوا له ايه؟ اجتنبنا بالحق ام انت ايه - 00:40:05

عارف مين اللاعب اللاعب هو الذي لا يخبر بالصدق ولا يأمر بالخير. هو ده اللعب فازاي واحد تافه عمال يهرج ويستظرف وانت بتابعه

بتبعه ليه ليه يا اخويآ آ قوي انت داخل في العلم بجد فعايز ترفة عن نفسك ده انت في الطراوة - 00:40:19

فاهم كده اقفل كل دول فيسبوك مش ما لكش فيه ما بتتابعش حد الغي. ده الغي الغي الغي متابع ناس على اليوتيوب ما لهمش لازمة. انت انت وطبعا انت ممكن تقول اصل - 00:40:37

طب اخد دقيقه مني والله الدقيقه لها تمن. ومن يفرط في القليل يفرط في الكثير يبقى وقتك احفظ سد هذه الابواب وافتح على نفسك ابواب متنوعة مع القرآن. شف حد تقرأ عليه القرآن وتجيبه ان شاء الله يكون اصغر منك اقعد قدامه كده قل له ممكن بعد ازنك

00:40:48 -

عليك ولو اية وتفتح المصحف تقول اعوذ بالله من يقول لك لأ ده قل اعوذ كذا كذا. لأن هو ده يا شباب اللي اللي يعني الانسان يقدر يكمل نفسه كل واحد مننا خبير بنفسه. انا والله - 00:41:04

بعضكم مسلا ضعيف في اللغة العربية جدا. تمام؟ ومع ذلك ممكن يكون بقى له سنة وانا عمال اتكلم عن اهمية النحو وغيره. وعمره ما فكر يقرأ. طب ليه ما انا قلت لك انا قلت لك عندك مشكلة في الناحية. يعني ده معناه ايه؟ انك تتعلم. انا عندي مشكلة في القرآن. ايه الناتج بتاعها؟ انا - 00:41:17

فاهم؟ يبقى يبقى كل واحد مننا يا شباب بيمشي يحاول يخلي نفسه من من شره ويكتسب الخيرات. تمام؟ ويصبر صدقني والله لو وضع في قلبك ان الله على كل شيء قادر. والامر المستحيل بالنسبة لك هو على الله هين. هو علي هين دي كلمة بتنزل على القلب - 00:41:37

هو قال له يا رب ازاي ده انا غالى الكبر ومراتي عقل ما فيش اى سبب لا مني ولا منها. قال له هو ده صعب على ربنا؟ قال له هو علي هين خلصت - 00:41:57

ده كل شيء تطلبه هو على الله هين. والله عندي شهوة مؤرقاني تعباني جدا مخلباني حتى وانا بذاكر على الله اذا رأى منك صدقا ابدلك صبرا بقدر هذا الصدق. ومن يتصرّب يصبره الله. النبي عليه الصلاة والسلام وجد مجموعة من الناس كل شوية يبيجو يسألوه - 00:42:07

يمدوا ايديهم. اداهم واداهم. فعايز يهدبهم بقى. والله قال لهم كلمة والله قال لهم كلمة وكلمة العظيم شف كلمة يعني مش عارف اقول لكم يعني شرط وجملة شرط يستعفف يعفه الله - 00:42:27

كلمة كبيرة قوي انت ممكن تقول دي كلمة ايه دي؟ بيقول لهم يعني لو لو رأى الله منك العفة عن سؤال الناس حاجة من الاثنين. اما هيرزقك مال من عنده او هيقنعك بما عندك من المال. وبعدين الو - 00:42:43

ومن يتصرّب يصبره الله. واضح من يستغنى يعني الله. نفس الشيء يا شباب. انت ربنا رأى منك تصور واحد حفظه ضعيف الذاكرة كان بينسى. تمام بس ربنا رأى منه جهدا طول النهار يقرأ في المصحف وبيتعبر وبيبذل اقل شيء مش هقول لك انه لازم ربنا يخليه - 00:42:58

كما في القرآن لا بس اقل شيء ان هو يكون منزلته عند الله بما يطلب. هو دلوقتي لما واحد لو واحد شقى سأل الله الشهادة بصدق ايه اللي بيحصل؟ انزله الله - 00:43:18

او منازل الشهداء ولو مات على فراشه. ليه؟ لانه صادق فانت بقى يعني في رمضان ده ابدأ صفحة جديدة ونسأل الله سبحانه وتعالى ان يرزقنا الثبات والهدى والایمان وان يصرفنا عما لا ينفعنا - 00:43:28

بارك الله فيكم وجزاكم الله خيرا - 00:43:42